



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 84. Martini V. Papæ obitus.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

celebrandæ Basileensis Synodi appropin- Sæcul. XV.
 quabat; hinc Julianum Cardinalem hu- A. C. 1431.
 jus urbis Legatum *a latere* nominat, cui
 etiam suas supplere vices præcipit, eique
 plenam Synodum habendi auctoritatem
 concedit; ipse enim Romæ morbo de-
 tentus, Præsidis partes suscipere haud po-
 terat. Injunctum quoque Legato, colla-
 tis cum Patribus consiliis ea omnia de-
 cerneret, quæ expedire judicaverit pro
 conservatione ac augmento fidei, pro sta-
 tu Ecclesiæ, reformatione Cleri, Unione
 Græcorum cum Latinis, extirpatione
 hæresum, præcipue Hussitismi, pro liber-
 tatum Ecclesiasticarum defensione, pro
 pace ac tranquillitate Regnorum, Princi-
 pum, ac Populorum, prout fusius legitur
 in Bulla, quam Pontifex prima die Fe-
 bruarii dedit, & vigesimo ante mortem
 suam die Juliano Cardinali transmisit.

§. LXXXIV.

Martini V. Pontificis obitus.

Inter hæc summus Pontifex, cum tam Platina, Cia-
 pia, tamque Christianæ Reipublicæ conius, Et S.
 proficua concepisset consilia, Romæ apo- Antoninus
 plexia tactus, die vigesima Februarii re- Chron. tit.
 bus humanis eripitur, postquam annos 22. c. 8. §. 2.
 sexaginta tres natus Pontificatum trede-
 cim annis, tribus mensibus, ac duodecim
 diebus tenuisset. Corpus ejus in Basili-

Sæcul. XV.
A. C. 1431.

ca S. Joannis in Laterano ante Aram, ubi capita SS. Apostolorum Petri & Pauli reposita sunt, sepultum quiescit. Ex omnium Scriptorum testimonio Pontifex iste plurimis virtutibus resplendit: Reddidit etiam Ecclesiæ unionem, Italiæ pacem, & Romanæ urbi pristinum suum splendorem. Nonnulli tamen lucri cupidum conviciantur, quos tamen valide redarguit S. Antoninus, palam testatus, cunctas facultates ab eo adversus Ecclesiæ hostes, atque ad restaurandas Ecclesias, Urbemque pluribus ædificiis augendam quam utilissime, impensas. Platina infractum hujus Pontificis animum, summopere commendat, eo quod funestam mortem duorum, utut sibi carissimorum Fratrum (quorum unus natu major Jordanus Princeps Salernitanus peste, alter junior Laurentius in quadam turri flammis extinctus est) æqua, ac prorsus immota mente tulisset, & nihilo secius rebus Ecclesiæ constanti sollicitudine insudasset.

§. LXXXV.

Eugenius IV. Papa electus.

Onuphr. de Rom. Pontif. Justis Martino V. persolutis, Sacra Sedes decem duntaxat dies vacabat. Prima Martii nonnisi quatuordecim Cardinales conclave ingrediuntur, nam quinque ex Collegio aberant, præter alios quæ-